


四明叢書

張宗祥



序

魏白衣先生畊當朱明易姓之際奔走江湖日圖恢復
其行誼詳見全謝山撰墳板文及海東逸史慈谿志傳
著有息賢堂集十五卷是橐乃得之張令僧而令僧得
之先生族孫魏仲車友枋蓋傳家之橐也考其自序乃
稱雪巖又分卷十四題作雪翁詩集與續甬上耆舊詩
所稱慈谿縣志著錄息賢堂集十五卷本皆不同先生
手定是集於丁酉而就義在癸卯七年之中續成詩篇
不知世閒尙有傳本否也壽鏞旣獲是橐更假馮孟顥

藏本參補之仍其名曰雪翁詩集嗚呼慈谿黃伯成玠
當元至正閒家燬於兵退隱弁山嘯歌自適今所傳弁
山小隱吟錄是也先生築息賢草堂於吳興郡城東南
別鮮山之陽爲東晉沈楨沈聘避亂棲隱之地與弁山
壤相接也乃有草堂而不能保且爲怨者所首身死杭
州卒不得以隱終其命也夫讀其歲暮遠游與嶠嶠二
稚子詩序曰覆巢之下豈有完卵理所宜然陶潛爲晉
處士恥事二姓屢值凶歲往往乞食潛有五男曾不爲
怨堪爲汝等標格也然則先生固欲學五柳矣世稱閉

門覓句酷嗜李白誠皮相也時與唱和者有若長洲陳
三島會稽張近道歸安錢纘曾祁五理孫祁六班孫皆
一時名宿先生嘗往來澹生堂盡讀其藏書故學益進
而詩益工斯歐陽子所謂窮則愈工非詩之能窮人殆
窮者而後工歟今距先生之死二百七十年矣迴思康
熙癸卯吾鄉人死明難於杭者曰職方楊文琮曰先生
明年甲辰曰張蒼水時號三忠獨蒼水之墓歲享其祀
職方之葬謝山以爲在南屏或曰在孤山先生之葬慈
志則爲先在南屏改遷靈隱石人峯下而別爲傳者則

曰封土爲牧馬所壞好義者函骨葬之靈隱西之五寺
橋大桐鳴題曰魏長白山人夫婦之墓是宜合三忠而
祀之今訪其墓猶未得也幸得其詩彙斯先生精靈之
所寄者矣爰亟付梓與弁山小隱吟錄並傳而書其大
凡以哀其遇焉民國二十二年十二月後學張壽鏞序

慈谿縣志本傳

魏畊原名璧

○從弟霞撰傳初名時所

字楚白甲申後改名畊又名

甦

○全祖望奉萬西郭問魏白衣息賢堂集書別字白衣

以世胄少失業學為衣

工於湖州能讀書有富室奇其才客之尋以贅壻隸歸

安籍成諸生

○霞傳生萬曆甲寅四月六日年十四母未歿父君揚攜至雪川課讀弱冠赴童子

試邑人周

羅雷為歸安尹李長華癸酉鄉試所取士謁師至署閱卷見先生文拍掌謂李曰此卷宏深樸茂有

古大家風不徒為小試冠也揭案列第一歸安士競以

外籍阻李曲全之遂入庠湖人凌某義渠從子也仰其

名妻以女己卯督學許才歲試冠軍食餼○祖望

奉萬書山陰祁忠敏公器之為徧注名諸社中 國亡

棄去

○霞傳甲申之變懸衣冠堂上北面稽首曰予雖在草莽然稟食膠庠亦君祿也縱不殉國難亦當

羈身運迹爲世外閒人乃挈妻子至蓮花莊更名畊字野夫別號雪竇居士聖朝定鼎有薦之仕者再拜辭之所交皆當世豪俠志圖大事與於君上之役兵敗亡命江湖妻子滿獄弗恤也久之事解乃與歸安錢纘曾居君溪閉戶爲詩酷嗜李白○朱彝尊云白衣詩中年專學子美末年專學太白惜乎未見其止也長洲陳三島尤心契之東歸遊會稽與張近道

朱士稚極相得因并交纘曾三島稱莫逆畊又與祁公

子理孫班孫善得盡讀淡生堂藏書詩日益工○霞傳日與歸

安錢尙書孫允武山陰朱太保孫明請祁侍御子班孫秀水朱太傅孫錫鬯及長洲陳三島會稽張近道往來吳越以詩古文相砥礪吳越之士翕然稱之先生學貫經史詩法漢魏善就允武徵古今諸名家詩藁彙選成

映一時名宿如虞山錢宗伯謙益山左姜侍御垓胡廣
曹翰林允昌姑蘇吳學士偉業並不憚閒關持藁之評
選畊癖於酒色祁氏兄弟竭力資給之畊至輒爲置酒

呼妓而朱張數子左右之

○全祖望祁六公子墓碣銘畊狂走四方思得一當公子

兄弟與之誓天稱莫逆畊談兵有奇癖非酒
不甘非妓不飲公子兄弟以忠義故曲奉之久之畊墮

死士致書鄭成功謂海道甚易南風三日可直抵京口

己亥鄭如其言幾下金陵已而軍退畊遮道留尙書張

煌言請入焦湖以圖再舉復不克

○按祖望撰張公神道碑銅陵軍潰或勸

公入焦湖慈湖義士魏畊遮道說公以爲焦湖入冬水
涸不可駐軍而英霍山寨尙多畊皆識其魁請入說之
使迎公乃焚舟登是役也江南半壁震動聞其謀出於
陸語頗異附存之

畊遲者益急繼曾行賄得稍解癸卯有孔孟文者從鄭
軍來有所求於繼曾不鑒并怨畊以其蠟書首之畊方
館於祁氏被執至錢塘與繼曾俱不屈死妻子盡歿
傳康熙壬寅六月朔先生與允武伏法於會城觀巷口
配凌氏聞先生死以髮自經次子嶠亦自經長子嶠成
尚陽堡○畊有歲暮遠行與嶠嶠二子詩序吾束髮讀
書蒙朝廷恩澤兼祖宗以來世有顯人爲清白吏不願
屈節汝母侍吾巾櫛固當黽勉同心但哀汝等稚小無
知罹此困瘁撫頂摩挲言顧涕零語云覆巢之下無完
卵理所自然昔陶潛爲晉處士恥事二姓值歲班孫亦
凶往往乞食有五男不爲怨堪爲汝等標格也班孫亦
遭戍初諸子破產結客士稚首以是傾家近道救之得
出獄而近道竟以此渡江遇盜死己亥三島亦以憂憤

死○霞傳庚子朗詣卒先生偕允武自歸安渡錢江經

陵視其封畊死山陰李達楊遷經營其喪坐遣戍錢塘

孫治卒購得畊骨葬之南屏○霞傳先生一女適仁和

生葬先生及子於清波門外西湖之山麓○後改葬靈

隱石人峰下題曰長白山人之墓○霞傳封土為牧馬

之靈隱西之五寺橋大桐陽題曰慈谿魏長白山人夫婦之墓鄞人墓在湖上者職方

楊文琮同以是年死次年尚書張煌言亦葬焉時呼曰

三忠之墓畊居者上為晉高士沈禎沈聘故山故有息

賢堂因名其集曰息賢堂集○息賢堂集自序息賢堂

之陽子以乙酉居此地考志爲晉元帝時沈禎沈聘避
亂棲隱之山前有渡曰息賈蓋二沈名之自寓肥遯而
子既遭亂遂書其額於草堂自予掛株連之禍自言其
草堂轉售他氏甲午春過別鮮閒且再易主矣
前身乃劉楨也全祖望撰墳坂文○按畊有三月三日夢前身爲劉公幹作七絕一首

自序

崇弘後作詩若干總名之曰息賢堂詩集息賢堂在吳興郡城東南別鮮山之陽余以乙酉居此考地志爲晉元帝時沈禎沈聘避亂棲隱此山前有渡曰息賢蓋二沈名此渡以自寓肥遯之意而余旣遭亂遂書其額於草堂生平有所撰述悉以名之而詩其一也數年困迫飢寒往還吳越六七郡間身無定止往往多道途之什未嘗一日居息賢且余墨株連之禍草堂亦轉售他氏妻子寄人廊廡甲午春過別鮮問草堂且再易主然

余猶以息賢名集何哉昔漢高祖定鼎關中不忘豐沛
語父老曰吾千秋萬歲後魂魄猶應繾此況艱難數椽
風雨所託能忽然忘情乎麀廬以深山爲安飛鳥以茂
林爲樂曰息賢蓋余志也今歲丁酉將以詩問世自序
其得名之繇如此至詩之佳惡俟天下後世賢人君子
之論定蘇子瞻曰昔之爲文者非能爲之爲工乃不能
不爲之爲工也又曰古之聖人有所不能自已而作故
軾文至多未嘗敢有作文之意余謂詩亦猶是也苟無
所爲而爲之雖擬議盡變曲肖囊篇無疾呼痛僞託可

笑故余之於詩初無矜飾務達其情凡博奕飲酒朋友
酬酢以至山川風俗城郭之所歷覽遺跡之所辨證雜
然前陳有觸於懷發之詠歎以爲合於作者不能自己
之指此則余之所自道也六月二十六日雪翁自序

雪翁詩集目錄

卷一 五言古

卷二 五言古

卷三 五言古

卷四 七言古

卷五 七言古

卷六 七言古

卷七 五言律

卷八 五言律

卷九 七言律

卷十 七言律

卷十一 五言排律

卷十二 五言絕句

卷十三 七言絕句

卷十四 樂府

卷十五 五言排律補遺

卷十六 附錄上

卷十七 附錄下

雪翁詩集卷

五言古

明慈谿魏 畊白衣撰

田園雜詩四首

冲齡慕顏閔四十無所聞撫志感植葵進德忤行雲戚
往旣爲痛戒來復餘悶空期達者堂著作仰獲麟眇默
謝昏墊周覽返吾真交徒散江宇命儔布金園西嶂逼
故晦東巘爽朝暎偃林媚素藟濯川玩紫鱗非徒滌輪
鞅寂妙亦以論狂歌直接輿再宿還再信

又